

# ॥ श्री स्वामी सामर्थ ॥

---

## ॥श्री शीतला चालीसा ॥

---

।श्री गणेशाय नमः।  
श्री स्वामी सामर्थाय नमः ।

### ॥ दोहा ॥

जय-जय माता शीतला, तुमहिं धरै जो ध्याना  
होय विमल शीतल हृदय, विकसै बुद्धि बलज्ञान॥  
घट -घट वासी शीतला। शीतल प्रभा तुम्हारा  
शीतल छइयां में झुलई। मइया पलना डारा।

### ॥ चौपाई ॥

जय-जय-जय शीतला भवानी। जय जग जननि सकल गुणखानी॥  
गृह-गृह शक्ति तुम्हारी राजिता। पूरण शरदचन्द्र समसाजिता॥

विस्फोटक से जलत शरीरा। शीतल करत हरत सब पीरा॥  
मातु शीतला तव शुभनामा। सबके गाढ़े आवहिं कामा॥

शोकहरी शंकरी भवानी। बाल-प्राणरक्षी सुख दानी॥  
शुचि मार्जनी कलश करराजै। मस्तक तेज सूर्य समराजै॥

चौसठ योगिन संग में गावैं। वीणा ताल मृदंग बजावैं॥  
नृत्य नाथ भैरो दिखरावैं। सहज शेष शिव पार ना पावैं॥

धन्य-धन्य धात्री महारानी। सुरनर मुनि तब सुयश बखानी॥  
ज्वाला रूप महा बलकारी। दैत्य एक विस्फोटक भारी॥

घर-घर प्रविशत कोई न रक्षतारोग रूप धरि बालक भक्षता॥  
हाहाकार मच्च्यो जगभारी।सक्यो न जब संकट टारी॥

तब मैया धरि अब्द्रुत रूपा।करमें लिये मार्जनी सूपा॥  
विस्फोटकहिं पकड़ि कर लीन्ह्यो।मुसल प्रहार बहुविधि कीन्ह्यो॥

बहुत प्रकार वह विनती कीन्हा।मैया नहीं भल मैं कछु चीन्हा॥  
अबनहिं मातु, काहुगृह जइहौं।जहँ अपवित्र सकल दुःख हरिहौं॥

भभकत तन, शीतल द्वै जइहैं।विस्फोटक भयघोर नसइहैं॥  
श्री शीतलहिं भजे कल्याना।वचन सत्य भाषे भगवाना॥

विस्फोटक भय जिहि गृह भाई।भजै देवि कहँ यही उपाई॥  
कलश शीतला का सजवावै।द्विज से विधिवत पाठ करावै॥

तुम्हीं शीतला, जग की माता।तुम्हीं पिता जग की सुखदाता॥  
तुम्हीं जगद्धात्री सुखसेवी।नमो नमामि शीतले देवी॥

नमो सुखकरणी दुःखहरणी।नमो-नमो जगतारणि तरणी॥  
नमो-नमो त्रैलोक्य वन्दिनी।दुखदारिद्रादिक निकन्दिनी॥

श्री शीतला, शेढला, महला।रुणलीह्युणनी मातु मंदला॥  
हो तुम दिगम्बर तनुधारी।शोभित पंचनाम असवारी॥

रासभ, खर बैशाख सुनन्दना।गर्दभ दुर्वाकंद निकन्दना॥  
सुमिरत संग शीतला माई।जाहि सकल दुख दूर पराई॥

गलका, गलगन्डादि जुहोई।ताकर मंत्र न औषधि कोई॥  
एक मातु जी का आराधना।और नहिं कोई है साधना॥

निश्चय मातु शरण जो आवै।निर्भय मन इच्छित फल पावै॥  
कोढ़ी, निर्मल काया धारै।अन्धा, दृग-निज दृष्टि निहारै॥

वन्ध्या नारि पुत्र को पावै।जन्म दरिद्र धनी होई जावै॥  
मातु शीतला के गुण गावता।लखा मूक को छन्द बनावता॥

यामे कोई करै जनि शंका।जग मे मैया का ही डंका॥  
भनत रामसुन्दर प्रभुदासा।तट प्रयाग से पूरब पासा॥

पुरी तिवारी मोर निवासा।ककरा गंगा तट दुर्वासा॥  
अब विलम्ब मैं तोहि पुकारता।मातु कृपा कौ बाट निहारता॥

पड़ा क्षर तव आस लगाई।रक्षा करहु शीतला माई॥

॥ दोहा ॥

घट-घट वासी शीतला,शीतल प्रभा तुम्हारा  
शीतल छइयां में झुलई,मइया पलना डारा॥

। इति श्री शीतला माता चालीसा।

॥ श्रीगुरुदत्तात्रेयार्पणमस्तु ॥

॥ श्री स्वामी समर्थार्पण मस्तु॥

---